

沈氏藏書



07222

施愚山先生學餘詩集卷之十六

七言古

青藤引

青藤書屋徐文長讀書處藤大如斗徐自稱青藤道人後為陳章侯宅今陳歿數年而青藤為風雷所壞感而賦之

青藤青藤爾生幾百載幾見桑田與滄海霜根拔地石谿衍翠葉垂天雲鬢隸下根伏積雪上幹棲真宰小山叢柱不敢望若木扶桑勢相抗葛陂仙叟騎作龍襄陽老顛拜為丈千年盤鬱精靈開腹空火起轟奔雷嗟峨石柱倒燦爛金臺摧豐隆行歎息屏翳坐徘徊嗟爾青

愚山先生詩集

卷十六

七言古

一

藤胡為乎頽哉昔日天池讀書處狂歌大叫倚藤樹又聞丹青老蓮子陳章侯自號老蓮解衣醉卧呼不起蘭亭客散纏荆榛風吟雨嘯空悲辛自古才人所託迹會能白日生霹靂青藤青藤我欲南登石梁遊金庭策爾為杖兮爾騫騰

象山謠

懷同年顧雙丸也

象山令居東海中往來飄忽隨天風夜見魚眼波濤紅捨舟登岫豺虎窟伏莽健兒復馳突夾路杈枒堆白骨城中罷市無居民秣馬無粟費無薪冠蓋使者坐生噴為語象山令請君勿太息昔何白哲今冀黑挂冠高枕何可得

怪風行

海州白晝黃塵昏烈風倒海搖山根城崩一角塞城門
兒童大叫相追奔有客擁衾臥高閣屋瓦翻飛如卷籬
驚禽駭獸無處所黃輿欲裂蒼穹薄海濱自昔多颶風
父老祇今皆錯愕孤城屢破血痕腥風鶴喧呼猶膽落
天豈驅除此子遺茫茫吹盡成廣漠風伯飛廉有倦時
願君返轡收靈旗高山大壑無轉移於乎四海十年甲
兵不得息風塵湏洞何終極

海東謠

海東旱三年矣施子過之減嘯併食歌促急不
成聲竊比於海人之謠云爾

愚山先生詩集

卷十六

七言古

二

海中陰火燒扶桑專車魚骨擊爲梁截骨爲臼春無糧
囑兒忍饑勿夜哭牆頭跳叫多豺狼

二

塲丁饑賈無完屋一握黃梁鹽十斛差科絡繹相驅逐
前日路死骨未收且緩須吏莫鞭扑

三

黃蒿颯颯風啾啾遺黎眼枯無淚流賣男得錢新買牛
墾荒給種聖人出何時親幸海東頭

太函山房歌寄汪文岫

是司馬伯玉先生孫

司馬文章射雕手武庫森森無不有左拍歷下右婁東
奇書萬卷皆蝌蚪騰驥後勁有聞孫墨汁沉酣作杯酒

生事終年寄嘯歌杖藜十載慵趨走山堂舊業大如拳
怪石幽花羅戶牖前坡隙地盡栽茶後圃高塘密插柳
客來開甕酌流霞燒筍烹葵意良厚別君牢落歛三春
好事狂吟無恙否練水華屏歙縣二地名魂夢飛蓮華黃海
招邀久送酒王弘旣拂衣遊山謝客空回首狂夫青眼
向烟霞肯與侏儒較升斗他年同上軒轅臺黃山有軒轅臺好
揖浮丘作老友

梅母歌

東溪水清淺水流石不轉石邊冬青樹霜落青如故冬
青樹高母手栽扶疎百尺清風來莫言黃鶴悲獨宿將
雛繞樹飛徘徊

愚山先生詩集

卷十六

七言古

三

醉歌送吳錦雯孝廉歸武林

西陵詞客多如麻騰踏開元有數家吳郎傑出晚相見
吸盡天台山上霞長安出門塵十斛一日孤眠意亦足
如君不厭往來頻肯把新詩借我讀君今年已四十強
鬚髯如戟鬢毛蒼誰使燕臺困天馬商歌慷慨摧中腸
我有一言君勿忘窮愁萬事緣文章不如拂袖草堂去
短棹西湖荷芡香

病中程勿洪翰林季天中給諫各枉謁問

一官鬱鬱暗成疾他人炙手吾抱膝長安車馬豈不多
閉門獨坐空悲歌已愁僮僕盡饑色那更參苓充飲食
今朝病起憶鮒魚食指蠕動不可得秘書知我有所思

爲求嘉饌開心脾買得銀鱗著未下水盤移贈及朝炊
同心復有季黃門越陌相存如弟昆江陰子鱗來千里
蘭陵美酒分一尊病夫七箸猶未健感此意氣加盤飧
吾豈小人懷口腹朋友膠漆古所敦况有新詩療饑渴
五侯之鯖何足論

家叔生日聞留滯山陰有作

我今通籍七年餘服官僅滿三百日野人不合遊金門
半是艱難半愁疾往事傷心勿復言坎壈只今猶未畢
風塵馬上倦開顏兒女夢中來繞膝薔薇花盡榴花開
愁劇佳辰罷舉杯冠蓋滿堂非骨肉富貴於我何有哉
長安達官賤珠玉秋曹八口憂餽粥憂能傷人人易老
愚山先生詩集卷十六 七言古

四

歲月遷流如轉轂別時我叔淚霑衣白頭重卧剡溪曲
一觴寥濶三千里顧影茫茫淚相續何如歸向敬亭雲
手種桃花偃茅屋

贈湘潭王山長兼謝其作畫障

騷人昔日沈沅湘不意天壤之間有王郎此語雖唐突
贈君殊不妨男兒詞翰皆礪硯安能低頭逐隊無短長
愛君有膽大如斗看君用筆如用帚狂吟潑墨勢離奇
豎儒睨笑驚且走我獨披圖盤礴久楚山峭湘水愁風
林湛湛九疑秋記我當年腸斷處扁舟曾向此中遊

送王懷人亦世兄弟歸漢陽

王家兄弟天下少高歌激楚長安道武昌明月洞庭雲

超然出入君懷抱繁花落盡秋草腓鸚鵡洲邊鷗鷺飛
弱冠上書成老大做裘何處尋漁磯莫學蕭條漢陰叟
掉頭抱甕都忘機

贈嵇叔子孝廉

嵇子淮南客相逢在燕市酒酣耳熱髻盡張怒決黃河
天上水爭言叔夜是前身誰識荆軻猶未死頻年獻賦
又空還蒲帆歸去幾人閒他日高歌攀桂樹思君倘在
八公山

簡方吉偶同年索畫

故人能詩復能畫胸中丘壑籠十洲丹青磅礴渾漫興
人言君是顧虎頭我有鶯溪絹一疋領取烟巒挂蓬室
愚山先生詩集卷十六 七言古 五
五日一石十日水如何三月不下筆祇今我病愁蹉跎
江上青山歸夢多安能突兀置我層巖絕壑間使我青
鞵黃帽影婆娑與君酌酒爲君歌聞君宦遊氣象壯會
踏龍湫與雁宕不妨潑墨爲此圖臥遊想像一惆悵

張穉恭爲余圖白雲樓時奉使祀河歌以送之

我家宛水濱結廬敬亭麓敬亭山上多白雲飛來飛去
繞茅屋別來京洛心悠悠一官又臥白雲樓拄笏西山
來爽氣掉頭不敢言公侯張子灑落塵中仙贈我琅琅

金石篇留吞廣陵濤八丸曠作華山千丈蓮

張關中人
流寓廣陵

懷余百尺樓頭臥揮毫遣興成雲烟長松古柏半不見
迷離碧靄連蒼天馮闌獨立著誰子側耳髣髴聞清泉

如君畫手不易得白石枯枝淡無墨亂山落紙疾如風
坐客驚看皆失色君今四牡指黃河竹西鼓吹重經過
白馬玄圭告成事黃鸝紫燕春風多噫嘻淇園竹盡鉅
子歌宣房築室今如何歸來圖畫獻 天子與君更醉
金叵羅

淮南行送張鞠存同年

張子天官之大夫文章水鑑當代無鳳池螭陛含香趨
峻响玉樹凌天衢少年努力策高足胡爲拂袖歸江湖
神龍矯首不得志有時戢角走平地人生富貴風中塵
蓬轉沙飛愁殺人要津挂冠那可得不爾左遷亦抽身
聞說淮南多桂樹枝葉連螻暗朝暮半畝草堂桂樹邊
愚山先生詩集卷十六 七言古 六

八公踰颺下烟霧張子自是張季鷹秋風未動思蓴羹

并序

留侯晚逐赤松子彭澤豈辱陶淵明如淮之酒百斛傾

高歌激楚金石聲東山捉鼻恐不免請君大笑淮南行

送張友鴻歸雲間

施子官比部與時彥諸公數集友鴻所張謙明
許菊溪趙錦帆顧介石吳六益沈繹堂皆詞學
相友者也居無何或遷或出友鴻又別我去僕
雖病其能無一言爲作長歌壯之矣

張子十日不相見一日別我去如箭把酒畱君君不畱
笑索新詩當祖餞京華旅食似君稀文采風流誰不羨
丹青已入明光宮詞賦還傳柏梁殿雲間才數不可當

吳子沈子爭翱翔牆東招手顧子出春燈夜雨傾壺觴
中州三子各意氣迴鞭聯轡登君堂祇言醉歌共朝夕
誰知轉眼愁河梁燕吳秦豫各分散東西咫尺成參商
張子別我情更苦躊躇把袂九回腸平生好客哀王孫
鷓鴣典盡開金樽案中許我獨知己紛紛交態聲欲吞
長安謁客如叩關浩然鼓柁歸江村辟疆園亭頗不惡
柴桑松菊今猶存泝吳淞兮祈鱸膾拳薜荔兮紉芳蓀
回首它年西北望應憐方朔老金門

苦雨篇

階前不合蛟龍走瀑布飛騰穿戶牖屢驚驟雨怒翻盆
更看飛雹大如斗九衢萬戶皆洪濤蒼穹下墜滹沱高

愚山先生詩集

卷十六

七言古

七

垣傾壁塌知何限但聞野哭聲嘈嘈我棲客館作官署
屋漏更無容膝處兒童狼藉坐泥中屢架匡牀暫箕踞
老夫食性怕炊爨河魚疾發腹轟雷寸薪尺壁那可得
蛙生塵釜空徘徊北嘗苦旱南苦雨防河掘盡中州土
竹竭山平瓠子愁幽燕又見商羊舞淫淫日夜憂如何
海陬未息長鯨波

醉後歌酬趙錦帆兼呈丁飛濤

臥疴一月生秋草久雨柴門跡如掃趙君立馬下階前
尊酒論詩恣傾倒君詩橫絕天下知掉頭不數雕蟲兒
同舍爲郎執余手愁中相視開鬚眉才雄氣莽天地窄
老蛟怒吼長河坼謂余能不操吳音直是中原一詩伯

我友敬禮來西陵揮毫爛熳如雲蒸君言西署吾曹在
三分割據爭峻嶒狂呼不顧旁人笑游俠何妨狎屠釣
王李諸君官陸沈姓字千秋日照耀聞君作令賦甘泉
七載囊中無一錢三年執戟顛毛白當塗誰復知其賢
人情惜官不惜才揚雄賈誼終塵埃請君放筆且掩口
明日同歌歸去來

歷下送畢四世副使姚榕似運使同赴官嶺南

君不見太行王屋參天起畢侯墮地稱才子又不見若
溪浮玉生清光姚家兄弟爭翱翔當年臥病白雲樓曾
同畢子凌高秋手持黃紙向西粵姚生努力相綢繆兩
賢翫麟誰能伍萬古心曾一朝許漂泊聯翩出國門齊
愚山先生詩集卷十六 七言古

八

州忽集同心侶豪氣真看岱岳低懽情頓釋樊籠苦左
提右挈太殷勤把臂酣歌海內聞壘書一旦九重下星
輶雙指羅浮雲驪駒催人不得駐舞絮回風暗如霧羊
城碧草秋更香梅嶺寒花冬滿樹南粵山川真壯遊翡
翠明珠百不愁絳孺仙人天下美銅柱孤標萬載畱丈
夫跼踖眼前地何如嶺嶠看滄洲滄洲回首穆陵關迢
遞風烟不可攀一杯祖爾蜡湖上流波別淚兩潺湲

今日行畱別王偉樹廉使

王偉樹按察粵西余奉使相接權甚及北歸聞
桂林陷度王不免次豫章值其子往省覲路阻
慟哭而返今六年矣王遷粵東左司歸里亡恙

而其子已客死賦今日行

今日相逢是何日握手開尊重促膝回想桂林奔迫時
欲言嗚咽聲不出桂林疇昔何殷勤忘年爾汝成膠漆
許我新詩逼古人執卷高吟散愁疾星巖仙洞憶同遊
惆悵懽娛忽相失灘江烽火渡豺狼城頭流血殷瀟湘
君在圍城余問道天南地北兩茫茫令子中途驚問訊
招魂引領斷人腸誰知玉樹轉摧折白首逢君歸故鄉
龍鬚華席鸚鵡研綈袍嗷嗷不可忘人生聚散亦何嘗
爲君努力傾百觴明目東西征路長

望日樓同揚登州張蓬萊看日出

日初出時一線橫表長可竟天有頃作方幅稜

愚山先生詩集

卷十六

七言古

九

角色深赤如丹砂已而燄如火外有絳帷浮動
眩目萬狀久之赤輪涌出厥象乃圓光彩散越
不彈指離海數尺其大如鏡其色如月矣

燭龍夜半開大荒羲和振轡巖晨裝珊瑚十丈橫天出
乍看弦直忽已方動如萬馬颺朱旗爛如金屋堆琉璃
鮫綃萋萋作帷幃髣髴隱見無端倪車輪燁燁從中躍
赤鳥飛起彩雲落光鋸倒射龍鼉宮扶桑枝罨蓬萊閣
客云日出光不同陰晴百變隨神工連朝靈霧今日霽
使君天許開鴻濛數言未畢日千尺翻如素月城頭出
天明萬里從此生安得長繩繫白日

蓬萊看海市歌

校士東牟思見海市事竣謁海廟因禱焉翌日
臨發海市適見歌以紀之

蓬萊海市光有無玄冬物色誇大蘇我亦再拜乞海若
願假靈異看須臾是時苦旱海水竭神龍困懶枯珊瑚
鼉鼓忽鳴津吏呼天吳起舞鮫人趨大竹盈盈橫匹練
小竹湛湛浮明珠方員斷續忽易位明滅低昂頃刻殊
列屏複帳閃宮闕桃源茅屋成村墟沙門小島更奇絕
浮圖倒影凌空虛有時離立爲兩人上者爲笠下者車
碧然雙扉開白板中有奇樹何扶疎三山十洲一步地
羣仙冉冉來蓬壺神搖目眩看不足惜哉風伯爲驅除
人間快意亦如此浮雲長據胡爲乎噫嘻浮雲長據胡
愚山先生詩集卷十六 七言古

十

爲乎

大竹小竹沙門皆鳥名

東萊贈趙赤霞太守

趙嘗守潤州爲處士顧與洽完通賦士類多之

使君五馬臨江埃筆剪東吳半江水使君拂衣臥海濱
手闢荒園成栗里七尺甃隣千夫雄坐上客滿尊不空
慷慨平生尚遊俠窮愁坎壈成老翁園中嘉樹何茂蕤
海燕徘徊不忍歸酒間袖出故人札數行未畢淚霑衣
作詩贈君兼語顧離愁如緒如烟霧颺風刮海海水飛
何時却寄珊瑚樹

東海道中作

行人策馬馬行緩馬上風吹衣帶斷枯桑倒折作飛蓬
驚砂走石摩蒼穹海濤怒嘯鯨人舞飛廉作崇天不雨

可憐二麥急甘霖農夫淚濕田間土

禹廟歌

堯東禹廟臨汶河凌雲結構何嵯峨棟宇有時橫苻濬
旌旗白日驅鼉鼉五月陰風冷毛髮參天古木交婆娑
繁華細葉宿鸞鳳神依鬼護無斧柯後亭更有千年柏
枝是琅玕榦爲石化作蒼龍上赤霄頭角鬚髯如刻畫
吾聞神龍見尾不見首此物還能靈異否怪底頽垣苔
蘚中夜來風雨聞龍吼

送高阮懷歸里兼訊大美季升杓司幼龍諸子

明湖六月荷花香宛溪故人歸故鄉折柳餞君各未醉
憑闌日暮立相望與君少長生同里共許詞場執牛耳

愚山先生詩集

卷十六

七言古

十一

彩毫灼灼耀春葩雙瞳湛湛懸秋水千里綢繆更契濶
論交夜夜燈花落欲歌欲泣君同聲相知不復然疑作
子今歸去石城秋月秦淮青雀舟桂華窈窕芙蓉發
高歌一曲凌滄洲白門歲豐多釀酒青錢三百沽一斗
旋膾鱸魚剝新栗此時還憶勞人否同心更有蔡與梅
窮愁襟抱何誰開歸去相看應大笑新詩一句一傾杯
送戴帖瞻入都

十月餞君歸五月喜君至尊酒復將於顛倒不能寐憶
昔奉使雲門遊值君按節過青州燈前長句爲君賦狂
歌大叫風颼颼臨岐下馬握余手停杯佇立徘徊久自
言辛苦難具陳不信但看余白首轉眼東西羽翼分京

洛淄塵倦趨走何期爾我相後先同官仍是同門友憐
余直道多欵寄開心苦口真吾師加餐相勸廢篇什此
意旁人那得知勞勞余髮亦垂白看爾吐氣開鬚眉
書徵拜還青瑣岱雲濟水隨旌旗送君忽憶心所懼故
人同調滿長安欲寄雙魚媿疎嬾憑君傳語青雲端

趵突泉送巖子餐都諫北還

時主考山東

傳聞此泉來王屋伏流倒涌歷山麓寒光噴雪復飛雲
大聲奔雷小碎玉故人黃門天上來崔嵬百尺龍門開
憑陵日觀照滄海咄嗟坐嘯生風雷臨流復有千尋閣
白雪聲名赫如昨黃門揮翰似青蓮更擬新篇致康樂
爲君開尊握君手素心海內真良友年將強仕相伯仲
愚山先生詩集卷十六 七言古

十一

忍使離居成皓首扁舟昨日明湖遊驪歌今日生離憂
君不見濟南七十二泉皆在眼那堪溝水東西流

陸大夫廬母墓雙鶴來巢生二雛有鶴在焉或曰

孝所感也繪以傳之

荒丘鬱鬱寒泉深松楸手植成青林中有慈烏口流血
哀啼繞樹傷人心老鶴翱翔下寥廓將雛雙鶴復孤鶴
鶴鶴徘徊未忍飛啁啾墓側悲離索於乎陸大夫鶴兮
鶴兮今在無至誠感物理不殊吾母佳城求未得淺葬
荒丘天一隅爲君短歌淚霑襦

漢柏行

泰安州嶽廟

根不必踞絕壁枝不必摩蒼天婆娑嶽廟眼前樹輪囷

屈曲幾千年龍文蛇腹復猿臂鐵幹蟠空少根蒂岱宗
玉女旌旗翻百靈半夜風雨會韋偃畢宏畫不得神物
旁觀空歎息春暮天寒鶴鶴悲陰霞繞樹沈雲黑崔嵬
祠廟已頻災唐槐灰燼秦松摧武皇六龍逝不回嗟爾
古柏胡爲乎在哉令我哀歌矯首心徘徊

靈巖行

在長清縣

靈巖開鑿巨靈苦萬仞丹梯作環堵已畱天穴爛明星
更遣甘泉瀉石乳僧廊側入洞門深鐵崖涌出袈裟古
鐵片如衣名鐵袈裟腹空禿樹飽風霜斗大蒼藤暗烟雨丹臺飛
嵌層巖巔削成石屋居無椽杖藜直上八千仞手撫白
鶴凌紫烟朗公卓錫呼不應龐眉石丈拱我前山有石如人立

愚山先生詩集

卷十六

七言古

三

名朗俯視人間悲浩劫誰知梵宇亦桑田般舟寶殿金
銀摧世尊塵埃龍象哀唐碑宋碣紛紛折存者欹側埋
荒苔靈蹟摩挲恨未了倦遊一宿良草草誰能高枕臥
空山飽飯青精顏色好

燕歌行

陸使君席上作

洞房曲室鎖葳蕤華燈綺席紛光輝朱顏窈窕操玉徽
笙等箏笛逸響飛輕風入戶颺羅幃月何皎皎明星稀
樂極含悲知者誰更闌緩帶客忘歸儂歌薄命心徘徊
願君懽樂憐春暉

施愚山先生學餘詩集卷之十六終

施愚山先生學餘詩集卷之十七

七言古

烟火行

濟南亂後年初豐上元鼓吹如江東歌兒遊女不知數
千家萬家春燈紅爆竹聲中烟火出忽如燄發阿房宮
撲地流光走玉兔垂天列炬成燭龍橫看爛熳三十樹
風起高城滿烟霧明星落月飛縱橫急電驚雷莽回互
層層怪幻魚龍戲蜃樓海市須臾至蓮花火裏劇分明
中有天下太平字是時憲府高崔嵬建牙列戟傾金杯
烹羔炮鼈惜良夜黃金灰燼同塵埃酒酣漏永回鞭去
人壓看場呼不開我聞此地舊王府夜夜驚山照歌舞
愚山先生詩集卷十七 七言古

一

伏生祠堂行

祠在鄒平城北十八里漢文帝遣鼂錯求尚書
時伏生年九十餘令幼女口授事不見漢史今

圖之壁

祖龍烈燄燔天地斷簡殘篇盡捐棄諸儒白骨成山丘
倉頡史籀夜垂淚上蔡李斯甘罪首忍使萬古斯文墜
天遺一老在人間火然不到胸中字須臾赤帝重瞳來
阿房一炬咸陽灰表章經學漢文出詔求耆舊過徂徠
是時先生耄且病以口代手鴻濛開二十九篇尚書備

配享立廟何崔嵬我來再拜心徬徨側身望古涕霑裳
避秦博士窮獨叟姚虞三代今未亡龐眉碧眼具冕服
丹青滿壁生輝光有女被繡珥明璫受書掌故拱其旁
豐碑古篆不可詳諸生俎豆歌樂章靈旗髣髴來翱翔

送張泰安越九

時坐事逮繫
謫戍復放還

山城積雪水不開飛來黃鵠久徘徊見君欲哭復大笑
舉酒一飲三百杯疇昔蹉跎事奔迫窮邊極漠甘遷謫
聖恩溫詔垂九天獨許雲間作歸客泰山極目連滄
海海鷗釣客遙相待何必功成問赤松流光一擲紅顏
改多君意氣凌浮雲罷官慷慨尚論文庾鮑才名伯仲
少原嘗好客天下聞我醉爲君歌一曲歲暮愁多腸斷
愚山先生詩集卷十七 七言古

二

續好去五湖三泖間手撫山堂舊松菊

繡江行

章丘縣東

羲仲驅車錯躔度玄冥奪取青陽路三月重凝繡水冰
烈風倒拔陽丘樹天河滄海同翻覆雪染桃花成白玉
茂陵消渴渴鸕鷀寒望遠傷春亂心曲

女郎山

女郎山畔日冥冥女郎墓上草青青長白雲連繡江水

長白山名登女郎望
其雲氣縈抱如帶

長佩陸離飄未已凭闌舉酒舞且

歌深洞幽房山鬼多黃土紅顏白古今浙浙陰風吹女

蘿

父書樓歌爲俞去文作

吾鄉前輩多博雅南金先生稱學者有閣三重書五車
高卧樓頭不肯下亂離萬事成東流銅駝金谷皆荒丘
青箱好在蓼莪痛歸然遺澤存高樓樓前楓樹林樓下
寒潭滾白鶴爲君舞玄猿爲君吟山鬼窈窕尚含笑伯
牙寂寞無知音腹笥便便君自可次第書籤兼藥裹賣
文剩有杖頭錢雞黍能留佳客坐藏書十九委埃塵百
家七畧誰問津長恨古人不見我空山月黑傷千春

寄蔣虎臣金壇

先是京口之變士大夫家
居者皆坐法惟虎臣獲免

昔君校書石渠閣鄉心日夜思丘壑今君乞假卧江村
三年不向春明門春明吏隱差不辱索米東方足餽粥
何事高吟詩百篇便向陰崖結茅屋瀟灑從來懷抱疎
愚山先生詩集卷十七 七言古 三
黃金不惜搜奇書道逢窮交下馬立解袍脫贈無躊躇
尺書遠自金沙至開函墮我數行淚不訝虞翻疎節多
殷勤却索新詩寄江干昨日多鼓鞞白骨黃塵咫尺迷
茅屋高齋亡恙否鯨波鼉浪風淒淒古人挂冠入山好
今日入山難自保愁思如結未敢言何處相期拾瑤草

姑山行送郭瑞屏

十年不向姑山去別恨羈愁亂如霧籜冠草屨故人來
相看猶似山中佳衙齋蕭瑟客無羶片石荒臺倚獨樹
主人鹿鹿竟何爲論心不得同朝暮記昔姑山夜坐時
石泉手汲炊松枝傾盤芋栗雜雞黍酒盡牀頭醉不辭
輒軻君今垂五十白髮星星時抱膝縱飲不多思醉眠

怕聽城頭吹感栗君爲窮愁來海濱到來輾轉愁官貧
出山入山貧自好路遠天寒慙故人

荒雞行

長夜漫漫纔二更濟南城裏雞齊鳴勞人鞅掌未眠卧
起視櫬槍淚雙墮昔人聞雞夜起舞雄心不厭亂離苦
可憐四海今橫戈荒雞荒雞奈爾何

觀嚴水子畫人物引

嚴水子陸山子
並陳章侯高弟

山陰高士陳章侯開闢畫苑無虎頭左手把杯右執筆
十指酒氣生十洲尤工人物作殊態雕鏤瑣屑窮纖芥
詭形奇狀人盡驚素壁中宵走光怪興闌箕踞時捫蝨
尺幅千金不可得晚傳二子早升堂吮墨含毫同侍側

愚山先生詩集

卷十七

七言古

四

山子過從憶鑑湖淋漓染翰多歡娛五年以後水子至
筆勢不與章侯殊冥搜慘澹追清妙歌側江臯連海嶠
芙蓉薜荔雜連蜷帝子嬋媛山鬼笑名高薄俗復何益
能事傷心爭促迫乞畫如山乏酒錢仰視高天听赤憤
春陰積雪風泠泠滿眼干戈愁客星冰開鼓柁且歸去
萬壑千巖無數青

閩舟謠

漕渠久渴水不流漕艘銜尾無時休日過一閩纜五里
千里歸心愁白頭閩盡灘高更偃蹇中夜呼船重撥淺
貓兒窩口居人稀魚頭集上漁船歸听澗河滾風又惡
坐看他帆拂面飛

林茂之自作生壙曰爾窩索詩紀之

八十一叟顏尚醜，幅巾筇杖衣薜蘿。肩輿強來一相見，數杯未盡能高歌。自言築室乳山住，陰林邃谷多烟霧。新營生壙大如爾，逝卽長眠不封樹。踈絕才名年少時，掉頭不許時人詩。祇今垂死猶眼白，自作高人萬古宅。君不見富貴磨滅皆輕塵，豐碑石馬空嶙峋。北邙悲風愁殺人。

萬竹園醉歌贈鄧元昭同年

城隅別墅結茅屋，千畝陰森盡修竹。同心握手此開尊，竹色客衣相與綠。五年南北成別離，昨歲于戈亂心曲。鮒魚蘆筍雜蓴羹，百觴勸我苦不足。昔時侍從官長安。

愚山先生詩集

卷十七

七言古

五

對客揮毫人共看，意氣風流天下重。五侯七貴爭交歡，一朝特簡擁千騎。未許淹留問叢桂，歲星忽厭隱金門。便擬牆東長避世，羨君躡屐臨東山。清歌白苧長歡顏，羨君藏書餘萬卷。烏篆龍文時在眼，丈夫功成須拂衣。扁舟新買繫漁磯，飄搖萬事君休問。惟有浮雲無是非。

程穆倩印藪歌

黃山山人真好奇，性癖膏肓不可治。雕鏤文字壽琬琰，蟲魚錯落蟠蛟螭。苦心愛者有數子，摩挲隻字等禹碑。亦如昌黎推作者，險奧不廢樊宗師。九月邗關木葉下，山人邂逅同僧舍。自言好古非雕蟲，篆籀周秦足方駕。詰曲迷離多不辨，相逢十人九人詫。可憐古籍秦火焚。

存者如縷金石文响螻鐘鼎盡奇字恍惚天矯凌浮雲
今人能手類刻木仰唇俯足徒紛紛豈若山人眼空六
書與八分驚魂駭目天下聞噫嘻山人好古不能長得
食何如歸老黃山三十六峰之南北赤文綠字藏其間
風雨千年無剝蝕

水繪庵放生池歌贈冒辟疆

水繪庵前一池水花發芙蓉香十里冒家三世皆放生
水族波臣不可紀日霽遊鱗鏡裏來有時蜃氣雲不開
出沼穹龜峙丘垤揚馨赤鯉生風雷四十年來成巨壑
絲竹朝朝喧水閣賦詩不讓鄴園遊臨流遠勝濠梁樂
滄桑萬事難具陳挺義橫網連強鄰雲根窟穴改不得
愚山先生詩集卷十七 七言古
六
枯魚入肆空悲辛主人意氣無所惜長歎撫膺嗟世澤
虬龍一朝不自保江漢飛騰限咫尺眼前兵甲高如山
放生殺生皆等閒昆明太液復何有爲爾作歌長留天
地間

僧舍題半山畫

常愛杜甫闕山句應結茅齋看青壁半山縱筆爲此圖
窾見峻嶒倚天石寒江鼓柁倦遊人秋寺鳴鐘獨眠客
與君痛飲且還歸四顧茫茫堪眼白

廣陵醉後贈陳曼仙同年

陳舊官蜀
自免歸

拂衣不採商山芝草堂不羨浣花溪暖老爭看人似玉
把詩自勸醉如泥開軒種竹江雲入素斲酌酒嘉賓集

洞簫鐵笛相和鳴玉柱檀槽雜歌泣芙蓉含霧暗氤氳
婀娜吳姬嬌出羣輕謳緩唱四坐靜不動朱唇聲遏雲
十年契濶今良會宦遊忽叙巴西事羌村蠻洞畏豺狼
哀角腥風動天地萬里生還信偶然銜杯且稱平生意
主人瀟灑良得計有客風塵早憔悴柴桑夙昔無宦情
東山偶起憐蒼生昔何勇健今何老歸臥雙溪弄月明
擊鼓行戲贈方山人

山人不儒亦不賈碧樹黃花繞庭戶客到開筵雜儔侶
半醉掀髯爲擊鼓衆賓歌吹間搏拊疾徐應節不差黍
大聲噉噉鳴砧杵細聲嘈嘈亂人語音繁調促苦齟齬
激厲崩騰怒如虎地維缺陷天難補人生磊塊向誰吐
愚山先生詩集卷十七 七言古
七
不如搥鼓盡清醕半作英雄半兒女尊殘颯颯寒夜雨
因君側耳愁千古禰衡禰衡在何許吾欲呼汝出黃土

竹亭短歌贈王貽上

丈夫名成何必萬鍾粟但得繞屋扶疎萬竿竹三月不
肉亦意足不爾伐竹結爲廬羞抵瀟湘遠塵俗使君佐
郡廣陵城高齋遠聽寒濤聲却構竹亭如箬笠琅玕四
壁青霞生亭中斗酒書千卷對此髣髴凌絕巘南軒老
槐遮白日東籬黃菊照蒼蘚別君此去惜離羣幾度論
詩到夜分眼前萬事難開眼還須種竹高拂雲君不見
君家子猷儻舍亦爾爾何可一日無此君

連帆蔽日江水黑鷁首龍文爛五色舉檣振舵重如山
不遇大風行不得曳舟官給夫有餘得錢縱脫重捉夫
裸體天寒被鞭撻荒村夜索聞哀呼猪雞祭賽舟人樂
白奪樵薪不爲虐有時故遣觸他船反眼嗔人橫撈縛
尊嚴祇爲載龍衣簫鼓船頭黃繡旗高架一箱衣什襲
客貨淡藏無是非巨艦年來頻坐兵沿塗夫卒多吞聲
船大行遲河欲凍嚴秋督促傷人情官差到處聞荼毒
怪此篙工作威福造船苦耗水衝錢取材伐盡江南木
側聞 聖主仁如天再浣還衣天下傳筐篚置郵亦良
速何似重牽萬斛船

華表行

愚山先生詩集

卷十七

七言古

八

華表嵯峨冠青嶂雙擎巧刻盤螭樣璽書賜葬傍陵園
連牛鞭石來山上千金作使萬夫役浚埋直作天生石
勢移衛霍子孫貧斥賣須臾都不惜地坼山傾鬼哭聞
前山華表又新墳請君易石將木柱縱朽猶爲墳上土

祀蠶娘

華燈白粥陳椒漿田家女兒祀蠶娘願刺繡帚與娘着
使我紅蠶堆滿箔他家織縑裁羅襦妾家賣絲充官租
餘作郎衣及兒襖家貧租重還有無蠶時桑遠行多露
好傍門前種桑樹

打虎兒

禹州朱氏子

誰言虎尾不可履虎口小兒還不死兒隨隴畔翁耕田

斑斕躍出黃蒿裏攫翁踞地兒不啼怒持竹策鞭虎起
咆哮乍息重含情收牙捲舌拋人行父子倉皇驅犢返
猶聞虎嘯腥風生刺史嗟吁召兒問兒年十一朱其姓
簪花纏彩萬人傳樸穉能馴猛獸性當時視虎如視牛
天地震動山靈愁死生計較勇成怯古來赴義無回頭

天逸閣雪後醉歌

王人梅幼龍
耦長携酒

一冬無雪春雪好名園飛閣開晴昊主人逸興有籍咸
把酒呼朋歡絕倒沙霽初聞白鳥鳴雪殘半露青峰小
麻姑婢妁墮窗間翳嶂參差浮樹杪細數梅花多昨日
坐看新瀑通寒沼觥籌歷亂興偏豪石檻苔痕不須掃
此閣峻嶒高百尺先輩聯翩著靈蹟馮金剛三兩
先輩讀書處蚪
愚山先生詩集卷十七七言古九
淡藏禹穴書賦詩日集梁園客二十年來玉樹摧竹榭
茅屋蔓蘿薜抽毫授簡待吾曹官使中原少詞伯前年
鐵騎城頭嘶出門一步迷東西芳春暇日此良宴何辭
斗酒聽黃鸝我思置閣臨雙溪種梅高下溪雲齊花前
歲歲同春酌醉醒遞換無端倪

爲李書卿感遇

有叙

李氏世以文辭稱生又穎特弱冠爲諸生高等
然其爲文與時人異卒坐廢斥予感憤作歌爲

生進酒

日月明明不照地蒺藜滿眼困騏驎欲叩天門扇不開
爲君怫鬱墮清淚老蛟生子真超羣少年勝氣驅浮雲

驕嗔羞作腐生語一寸泥蟠無處所壯夫魁壘常骨立
俗眼抑揄百憂集唾壺擊碎歌不揚風雨夜闌鬼神泣

青桂引贈丁飛濤弟素涵

有青桂堂集時
飛濤謫關外

青桂團團臨綠水香風散入江城裏東南孔雀爲徘徊
下有寒猿啼不已山人奮袖歌且謠西湖澹澹吳山高
艷曲新詞半樂府瓌奇詭譎疑離騷有時嗚咽抱幽怨
弱柳如絲絮如霰歌成流水雲不飛曲鼓湘靈人不見
君家伯氏吾弟兄唱和西曹金石聲黃雲沙磧一分手
朔風越鳥長哀鳴攀君青桂憂思緩念君連枝腸欲斷
日月不居關塞長撫膺淚落錢塘滿

西湖送春歌

愚山先生詩集

卷十七

七言古

十

陰雨冥冥朝復暮豐隆屏翳收春去美人魂斷不可招
夜啼杜宇西陵樹故園滿檻洛陽花歲歲花開不在家
江山格鬪九州窄行止蹉跎雙鬢華含情欲作留春曲
燭龍昂首不得伏醉向流光喚奈何門前春水爲誰多

采蓴篇

西湖三月蓴始生含花卷葉浮綠莖質柔膚滑不留手
白汁盈盈成水晶浸之經宿逾肥美旋摘生新類蘭芷
春山雨漲綠波淡欲浮不浮難出水故人招我放生池
畫船紅袖吹參差神魚撥刺動雷雨馮夷出沒擎旌旗
酒闌却向湖亭泊緩帶登樓氣盤礴急呼舟子擷蓴絲
雪鱸金盤佐觴酌凝脂膩澤難禁煮玉筍錦葵誰似汝

滑翻碧盃匹水漿清絕香羹奴酪乳嚼腐餐肥良可惜
五侯七貴知未曾怪來此物繫歸思千載常懷張季鷹

西湖看月歌

同會稽羅弘載

客舍階前湖水綠棹舟更向湖中宿兩岬蒼烟皎月來
萬頃清光照幽獨渡口微聞漱玉聲樓頭無復彈箏曲
片雲蜿蜒過南山望見仙人騎白鹿夜濛風起何冷冷
遠山猶白近山青浮圖層級真可數波心寒玉吐孤亭
援琴欲鼓水仙操鍾期既遠誰爲聽狂呼不醒童僕睡
惜哉酒盡雙玉餅吁嗟明月古來有須照西湖杯在手
可憐客久春芳歇陰雨三旬初見月荷葉田田漸作華
今宵月下已思家漏殘高枕日將出會有吳姬蚤浣紗
惠山先生詩集卷十七 七言古

十一

贈關西杜蒼舒兼懷李吧瞻孫豹人諸子

西泠橋畔日初低西京上客過招提眼中華嶽森突兀
湖干畫舫從羈縲十年讀書不射策負氣論才岬赤憤
仲宣時賦從軍行少陵老作諸侯客滄海長江正羽旗
廣陵遊俠重相思好買吳姬住江側醉倚淮南桂樹枝

李孫皆陳人
流寓廣陵

寄周處州宿來

舊同官
比部

故人別我六年餘聞道故人青鬢疎層山疊嶂幾千里
殷勤却寄雙鯉魚天陰雨久重雲黑開緘狂喜復歎息
新詩險絕語驚人苦調悲涼淚沾臆括蒼巖洞多烟霞
九盤石門仙如麻謝公遊處莓苔厚春風古樹猶開花

兵荒作吏真可憫鞭撻催科心不忍滿眼青山未散愁
平生意氣一朝盡甌江日夜流滔滔相思心曲翻洪濤
欲問論詩與酣發斷腸還憶白雲曹

送羅弘載

聞君有別業遠在稽山隅白雲南接葛洪井綠水還臨
康樂湖湖邊山下讀書好雜花奇樹連芳草殷勤爲我
渡錢塘西冷尊酒同傾倒與子契濶已八春囊中詩句
轉清新少年策名應努力莫羨桃源洞裏人

西湖惜別吟荅蕭山毛大可

西陵才子有毛萇浩蕩風流不可當繁音錯彩百端集
短曲長歌悲斷腸謂我東來自滄海湖上輕舟日相待

愚山先生詩集

卷十七

七言古

七

手裂吳綾白如雪新詩冢元驚真宰蓬萊之閣聊那臺
海水壁立魚龍哀嗟爾濡翰一何壯使我回首久徘徊
我昔聞聲未聯袂相隔山巔與水裔擁楫臨風作越吟
纒絲期我攀叢桂別來叢桂難重攀天涯荏苒凋朱顏
謝傅東山不得臥歲星索米愁人間平生問道苦不早
窮愁著書亦云好誰能漂轉隨車塵使我局促傷懷抱
予將去爲君吟此曲歷亂無古今若問相思在何處歲
歲西湖春水淺

哭同年張子寅

海風動地白日昏折我玉樹垂崑崙魁梧磊落猶在眼
滿堂慟哭皆聲吞鬼伯詎敢相促迫豐隆爲御雲車奔

一生胸臆向誰吐裂背慷慨號天門嗚呼天門路阻絕
江漢溟溟墮孤月

二

嗟爾生年二十六氣吞萬卷心不足開樽結客少年場
走馬長安還擊筑雕龍世業公車早詞翰橫流瀉飛瀑
相看努力馳中原豈料着鞭成轉燭嗚呼爾魂不可招
青楓暮雨空蕭條

三

出門出門何所營病中鼓枻江上行季布平生重然諾
魯連排難輕死生男兒七尺自有命抗顏欲與雷霆爭
風流意氣一朝盡眼前豪俊誰縱橫嗚呼往事不可諫

愚山先生詩集

卷十七 七言古

三

目極松楸淚如霰

施愚山先生學餘詩集卷之十七終



07222

